

Ku dhaqan Xafiis D.

FAAFINTA

الرسمية

OFFICIAL



RASMIGA AH

الجريدة

BULLETIN

EE JAMHUURIYADDA SOOMAALIYA

Sanadka 13aad

Muqdisho, 01 August 2026

Lr.3

Waaxda Maamulka Faafinta Rasmiga ah
Ee Xafiiska Garyaqaanka Guud ee Dawladda

FAAFIN BIL SOO BAXA

Qiimaha waa \$XXX Dollar, lambar waliba – **RUKUNKA:** Sanaddii waa \$XXX Dollar, Soomaaliya gudaheeda – Dibaddeedana waa \$XXX Dollar. Rukunka la weydiisto waqtiga loo gooyay wuxuu ka bilaabmaa 1 Janaayo. Qiimaha Qoritaanku F.R halkii sadar iyo wixii ka yar waa \$XXX Dollar – Rukunka iyo Qoritaanku waxaa la weydiistaa Laanta Maamulka Faafinta Rasmiga ah – Lacagta waxaa lagu bixiniyaa Xafiiska Canshuuraha ee Wasaaradda Maaliyadda.

KOBNIIN

BOGGA KOOWAAD

SHARCI

W.M

BOGGA LABAAD

XEER

BOGGA SEDDEXAAD

TALOOYIN, ISGAARSIIN, OGAYSIIS, IWM

BILAHA

March-July

2026



Xeer Ra'iisul Wasaare Lr.197

Taariikh: 08/02/2026

**XEERKA: XEER-NIDAAMIYAHA SANDUUQA QARAN EE MAAREYNTA
KHATARAHA MUSIIBOYINKA**



Ra'iisul Wasaaraha Xukuumadda JFS;

Markuu arkay: Qodobka 97^{aad} farqadaha 1^{aad} iyo 2^{aad}; iyo Qodobka 99^{aad} farqadaha (a), (b), (e), (f) iyo (i); iyo Qodobka 100^{aad} farqadaha (a) iyo (d) ee Dastuurka KMG.

Markuu arkay: Sharciga Dhismaha Hay'adda Maareynta Musiiboyinka (Sharci Lr. 17/2016).

Markuu arkay: Warqadda summaddeedu tahay WAGF&D/XW/0012/26 ee ku taariikheysan 05/01/2026 ee Wasaaradda Arrimaha Gudaha, Fedraalka & Dib-u-heshiisiinta kuna saabsan codsiga soojeedinta **Xeer-nidaamiyaha Maareynta Khataraha Musiibooyinka**.

Markuu arkay: Go'aanka Shirka Golaha Wasiirrada ee summaddiisu tahay SHGW.05.145.2.26 ee 05/2/2026, kuna saabsan Ansixinta "Xeer-nidaamiyaha Maareynta khataraha Musiibooyinka" oo uu Goluhu cod buuxa ku ansixiyay.

Markuu tixgeliyay: Muhiimadda Xeer-nidaamiyahan u leeyahay in la dardar geliyo wax-ka-qabashada musiibooyinka degdegga ah iyadoo la hubinaayo hufnaan, isla-xisaabtan iyo wax tar.

Wuxuu Meelmariyay

Qodobka 1^{aad}

Go'aan Gole

Go'aanka Shirka Golaha Wasiirrada ee summaddiisu tahay SHGW.05.145.2.26 ee 05/2/2026, kuna saabsan ansixinta **Xeer-nidaamiyaha Maareynta Khataraha Musiiboyinka** oo uu Goluhu cod buuxa ku ansixiyay.

Qodobka 2^{aad}


Hirgalin

Waxaa Wasaaradda Arimaha Gudaha, Federaalka & Dib u-heshiinta loo igmaday in ay hirgaliso meelmarisana Xeer-nidaamiyahan.

Qodobka 3^{aad}

Dhaqangal

Xeer-nidaamiyahan waxaa uu dhaqangalayaa marka uu saxiixo Ra'iisul Wasaaraha Xukuumadda Jamhuuriyadda Federaalka Soomaaliya, waxaana lagu soo saarayaa faafinta Rasmiga ah ee Dowladda.



Mudane, Hamza Cabdi Barre
Ra'iisul Wasaaraha Xukuumadda JFS



JAMHUURIYADDA FEDERAALKA SOOMAALIYA	
XAFIISKA HANTIDHOWRKA GUUD EE JFS	
DHAWAAN NO	Ham-031-2624
TAARIKH	03-06-2016
SAXIIX	
M. Ahmed Isse Gutale Hantidhowrka Guud ee JFS	



SUMMAD: WCAD/XAWSHH/2763/2025

Tr. 23/12/2025

Mudane Garyaqaan:

**UJEEDDO: SOO-GUDBIN "XEER-NIDAAMIYAHA SANDUUQA
QARAN EE MAAREYNTA KHATARAHA
MUSIIBOYINKA (NATIONAL DISASTER RISK
MANAGEMENT FUND-NDRMF)."**

Wasaaradda Cadaaladda iyo Arrimaha Dastuurka, waxay halkan ku soo gudbineysaa **"Xeer-nidaamiyaha Sanduuqa Qaran ee Maareynta Khataraha Musiibooyinka (National Disaster Risk Management Fund)**. Sanduuqan oo lagu Dardargelinayo wax-ka-qabashada musibooyinka degdegga ah, iyadoo la hubinayo hufnaan, isla-xisaabtan iyo waxtar.

Xeer-nidaamiyahan oo ay diyaarisay Wasaaradda Arrimaha Gudaha, Federaalka iyo Dib-u-heshiisiinta, waxay Wasaaradda Cadaaladdu ka gudatay waajibaadkeeda sharci ee ku aaddan hindise-sharciyeedyada.

Haddaba, waxaan Xafiiska Garyaqaanka Guud ee Dawladda ka codsanaynaa inuu waajibkiisa sharci ee ku aaddan xeer-nidaamiyahan ka guto, si habraaciisa sharci ee ansixinta u dhammeystirmo.

Mahadsanidiin.

Mudane, Xasan Axmed Cali
Agaasimaha Waaxda Sharciyada iyo heshiisyada,
Wasaaradda Cadaaladda iyo Arr. Dastuurka

Garyaqaanka Guud ee Dawladda
Og: Agaasimaha Guud ee Wasaaradda Cadaaladda iyo Arr. Dastuurka
Og: Xoghayaha Joogtada ah ee Wasaaradda Cadaaladda iyo Arr. Dastuurka
Og: Wasiir Ku-xigeenka Wasaaradda Cadaaladda iyo Arr. Dastuurka
Og: Wasiiru-dawlaha Wasaaradda Cadaaladda iyo Arr. Dastuurka
Og: Wasiirka Wasaaradda Cadaaladda iyo Arr. Dastuurka

~~Muqdisho~~
~~Muqdisho~~
~~Muqdisho~~
~~Muqdisho~~
~~Muqdisho~~
~~Muqdisho~~

Address: Martine Hospital Road, Mogadishu – Somalia.
Email: legislative@moj.gov.so

Tell: 0615847146

Dr. Saalix
27/12/2025

Q





SUMMAD: XGG/447/2025

30/12/2025

Ku: Wasaaradda Arr. Gudaha, Federaalka & Dib-u-heshiisiinta
Ku: Agaasimaha Golaha wasiiradda
Og: Xafiiska Raiisul Wasaaraha JFS

Muqdisho
Muqdisho
Muqdisho

Ujeeddo: Talo Sharci

Xafiiska Garyaqaanka Guud ee Dawladda, asaga oo tixraacaya Warqadda Summaddeeduna tahay: WCAD/XAWSHH/2763/2025, kuna taariikhaysan 23/12/2025 kana soo baxday Wasaaradda Cadaaladda iyo Arr. Dastuurka, ayaa waxa uu halkan kusoo gudbinayaa talo sharci ah kuna saabsan **Xeer-Nidaamiyaha Sanduuqa Qaran ee Maareynta Khataraha Musiibooyinka (National Disaster Risk Management Fund)**.


Hadaba, Xafiiska Garyaqaanka Guud ee Dowladda, asaga oo gudanaya waajibaadkiisa shaqo si waafaqsan Sharci Lr. 18 ee 29 Janaayo 1976, waxa uu Wasaaradda Arr. Gudaha, Federaalka & Dib-u-heshiisiinta u soo gudbinayaa: **Xeer-Nidaamiyaha Sanduuqa Qaran ee Maareynta Khataraha Musiibooyinka (National Disaster Risk Management Fund)**, oo horay loogu soo gudbiyay Xafiiska Garyaqaanka Guud, si uu xafiisku uga guto waajibaadkiisa shaqo, ugana bixiyo Talo Sharci.

Sidaa darteed, Xafiiska Garyaqaanka Guud ee Dowladda kadib markuu darsay, Xeer-Nidaamiyaha Sanduuqa Qaran ee Maareynta Khataraha Musiibooyinka, waxa uu ku talinayaa in loo gudbiyo Golaha wasiirada, maadaama uusan ka hor-imaanayn Dastuurka, Shuruucda Dalka iyo Danta Guud, uuna Xafiiska ka gutay waajibaadkiisa Shaqo ee kaga aadanaa, si waafaqsan Sharciga.

FG: halkaan waxaa ku lifaaqan Xeer-nidaamiyaha Sare ku xusan.

Salaan qadarin leh


Dr. Saalax Siidii Sh. C/raxmaan
Ku-xigeenka Garyaqaanka Guud ee Dawladda



XAFIISKA GARYAQAANKA GUUD EE DOWLADDA

Address: State House, Villa Somalia

Tel, +252 (0)613242015 | E-Mail: sag@sag.gov.so, archive@sag.gov.so



JAMHUURIYADDA FEDERAALKA SOOMAALIYA
WASAARADDA ARRIMAHA GUDAHA, FEDERAALKA & DIB-U-HESHIISIINTA

XEERNIDAAMIYAHA SANDUUQA QARAN EE MAAREYNTA KHATARAHA
MUSIIBOYINKA (NATIONAL DISASTER RISK MANAGEMENT FUND-NDRMF)

Waxaa diyaariyey:
Wasaaradda Arrimaha Gudaha, Federaalka iyo Dib-u-heshiisiinta,
February 2025

TUSMADA

QAYBTA KOOWAAD: QODOBBADA GUUD	3
Qodobka 1aad: Magaca iyo Saldhigga Sharci ee Xeer-nidaamiyaha	3
Qodobka 2aad: Ujeeddada Xeer-nidaamiyaha	3
Qodobka 3aad: Baaxadda Xeer-nidaamiyaha	3
Qodobka 4aad: Micnaha Erayada	4
QAYBTA LABAAD ABUURISTA IYO UJEEDDOOYINKA SANDUUQA	4
Qodobka 5aad: Abuurista Sanduuqa	5
Qodobka 6aad: Ujeeddooyinka Sanduuqa	5
Qodobka 7aad: Iskaashiga Wacyigelinta	5
Qodobka 8aad: Mudnaanta Gurmada	5
QAYBTA SADDEXAAD: MAAMULKA IYO QAAB-DHISMEEDEKA SANDUUQA	6
Qodobka 9aad: Guddiga Sare ee Maamulka Sanduuqa	6
Qodobka 10aad: Waajibaadka Guddiga Sare	7
Qodobka 11aad: Xoghaynta iyo Maamulka Hawlaha Maalinlaha ah	7
QAYBTA AFARAAD: MAALIYADDA IYO ISLA-XISAABTANKA	8
Qodobka 12aad: Ilaha Dhaqaalaha iyo Maalgalinta Sanduuqa	8
Qodobka 13aad: Hannaanka Maaraynta Maaliyadda Sanduuqa	8
Qodobka 14aad: Bixinta Gargaarka Degdegga ah	9
Qodobka 15aad: Dabagalka iyo Kormeerka	9
QAYBTA SHANAAD: QODOBBADA GUNAANAD	10
Qodobka 16aad: Xeer-hoosaadyada	10
Qodobka 17aad: Dhaqangalka Xeerka	10

**QAYBTA KOOWAAD:
QODOBBADA GUUD**

Qodobka 1aad:

Magaca iyo Saldhigga Sharci ee Xeer-nidaamiyaha

1. Xeer-nidaamiyahan waxaa lagu magacaabayaa “Xeer-nidaamiyaha Sanduuqa Qaran ee Maareynta Khataraha Musiibooyinka (National Disaster Risk Management Fund – NDRMF)”.
2. Xeer-nidaamiyahan waxaa saldhig sharci u ah Qodobka 8(2) ee Sharciga Dhismaha Hay’adda Maareynta Musiibooyinka (Sharci Lr. 17/2016), kaas oo dhigaya in Hay’addu ay abuurto sanduuq dhaqaale oo ay ka qayb-qaataan ganacsatada iyo dadweynaha Soomaaliyeed, looguna talagalay in si degdeg ah looga jawaabo musiibooyinka dalka ka dhaca.

Qodobka 2aad:

Ujeeddada Xeer-nidaamiyaha

Ujeeddooyinka Xeer-nidaamiyahan waa:

1. In la aasaaso lana habeeyo Sanduuqa Qaran ee Maareynta Khataraha Musiibooyinka oo ku dhex shaqaynaya, waafaqsanna nidaamka maareynta maaliyadda Dowladd, gaar ahaan Sharciga Maaraynta Maaliyadda Guud 2019 iyo wax-ka-beddelladiisa, si uu u noqdo il dhaqaale iyo madal isku-dubarid.
2. In la dardargeliyo ka hortagga, u diyaar-garowga, ka jawaabista degdegga ah iyo soo kabashada musiibooyinka.
3. In la kordhiyo wacyiga bulshada, ka-qaybgalka ganacsatada, iyo deeq-bixiyeyaasha gudaha iyo dibadda.
4. In la dhiirrigaliyo iskaashi iyo isku-duwid u dhexeysa hay’adaha Dowladda, kuwa gaarka loo leeyahay, bulshada rayidka ah iyo hay’adaha caalamiga ah.
5. In la hirgaliyo siyaasadaha Dowladda Federaalka Soomaaliya ee ku saabsan maaraynta khataraha musiibooyinka.

Qodobka 3aad

Baaxadda Xeer-nidaamiyaha

Xeer-nidaamiyahan wuxuu khuseeyaa dhammaan Hay’adaha Dowladda Federaalka, Dowladaha Xubnaha ka ah Federaalka, ganacsatada, iyo hay’adaha samafalka ee ka howlgala Jamhuuriyadda Federaalka Soomaaliya.

Qodobka 4aad: Micnaha Erayada

Xeer-nidaamiyahan gudihiisa erayada soo socda waxay leeyihiin macnaha ku hor qoran, haddii aan xeerka gudihiisa si kale loogu sheegin:

1. **Hay'adda:** Waxaa loola jeedaa Hay'adda Maareynta Musiibooyinka Soomaaliya (SoDMA).
2. **DRMF:** Sanduuqa Maareeynta Khataraha Musiibooyinka (**Disaster Risk Management Fund**).
3. **Guddiga:** Gudiga Sare ee Sanduuqa Maareeynta Khataraha Musiibooyinka (Board of the National Disaster Risk Management Fund).
4. **Guddoomiyaha Guddiga:** waxaa loola jeeda Guddoomiyaha Guddiga Sare ee Sanduuqa Maareeynta Khataraha Musiibooyinka.
5. **Musiibo:** Dhacdo degdeg ah oo halis gelisa nolosha, hantida iyo deegaanka.
6. Deeq-bixiye: Hay'ad ama shaqsi bixiya taageero dhaqaale ama agab.
7. **Agaasime:** waxaa loola jeeda Agaasimaha Waaxda Maareynta Sanduuqa (**DRM Fund Director**).
8. **Guddoomiyaha Hay'adda:** waxaa loola jeedaa Guddoomiyaha Hay'adda Maareynta Musiibooyinka Soomaaliya (SoDMA).
9. **Wasiir:** Waxaa loola jeedaa Wasiirka Arrimaha Gudaha, Federaalka iyo dib u heshiisiinta XHFS.
10. **Golaha Wasiirrada:** Waxaa loola jeedaa Golaha Wasiirrada Xukuumadda JFS.
11. **SoDMA:** Waxaa loola jeedaa Hay'adda Maareynta Musiibooyinka Soomaaliya.
12. **Dowladda:** waxaa loola jeedaa Dowladda Federaalka Soomaaliya.
13. **JFS:** Waxaa loola jeedaa Jamhuuriyadda Federaalka Soomaaliya.
14. **Xeerarka Maaliyadda:** waxaa loola jeedaa xeerarka (sharciyada) maaliyadda ee Dowladda, gaar ahaan Sharciga Maaraynta Maaliyadda Guud 2019, wax-ka-beddelladiisa, iyo Xeerka Qoondada Miisaaniyadda (xeerka sanadlaha ah ee miisaaniyadda Dowladda) ee JFS.

QAYBTA LABAAD ABUURISTA IYO UJEEDDOOYINKA SANDUUQA

Qodobka 5aad:
Abuurista Sanduuqa

1. Waxaa la asaasay Sanduuqa Qaran ee Maareynta Khataraha Musiiibooyinka (NDRMF) si uu u noqdo il dhaqaale, madal wacyigalin iyo isku-dubarid, kana shaqeeya ururinta, maareynta iyo bixinta deeqaha iyo tabarucaadaha la xiriira musiiibooyinka, si waafaqsan Qodobka 8(2) ee Sharciga Dhismaha Hay'adda Maareynta Musiiibooyinka (Sharci Lr. 17/2016), iyo Xeerarka Maaliyadda.
2. Sanduuqu wuxuu yeelanayaa hab maamulkan soo socda:
 - (a) Guddiga sare ee Maamulka Sanduuqa Qaran ee Maareynta Khataraha Musiiibooyinka;
 - (b) Agaasimaha Sanduuqa ee Maareynta Khataraha Musiiibooyinka (NDRMF), oo ka tirsan Hay'adda.

Qodobka 6aad:
Ujeeddooyinka Sanduuqa

Ujeeddooyinka Sanduuqa waa:

1. Taageeridda ka hortagga, u diyaar-garowga, ka jawaabista degdegga ah iyo soo kabashada musiiibooyinka.
2. Helidda ilo dhaqaale oo degdeg ah, oo daboolaa baahiyaha lama filaanka ah.
3. Kor u qaadidda wacyigelinta iyo isku-duwidda daneeyayaasha kala duwan.
4. Taageeridda ururinta iyo maamulka deeqaha iyo tabarucaadaha.
5. Fududeynta hawlaha gargaarka bini'aadannimo.

Qodobka 7aad:
Iskaashiga Wacyigelinta

Sanduuqu wuxuu si dhow ula shaqeeyn doonaa daneeyayaasha soo socda, si kor loogu qaado wacyigelinta ku aadan maareynta musiiibooyinka:

1. Hay'adaha Dowladda, oo ay ku jiraan hay'addaha mas'uulka ka ah maareynta musiiibooyinka ee heer federaal iyo heer Dowlad Goboleed.
2. Shirkadaha gaarka loo leeyahay iyo bahda ganacsatada ee JFS.
3. Ururada bulshada rayidka ah ee ka howlgala JFS.
4. Hay'adaha iyo deeq-bixiyaasha caalamiga ah ee taageera maaraynta khataraha musiiibooyinka iyo u diyaar-garowga xaaladaha degdegga ah.

Qodobka 8aad:
Mudnaanta Gurmada

Sanduuqu waxaa uu mudnaan siinayaa marka uu sameynayo taageero gurmada arrimahan soo socda:

1. Hawlaha badbaadinaya nolosha dadka.
2. Bixinta adeegyada aasaasiga ah.
3. Gargaarka dadka nugul.
4. Dib-u-soo-kabasho degdeg ah iyo soo celinta adeegyada muhiimka ah.
5. Ka hortagga khataro cusub.

**QAYBTA SADDEXAAD:
MAAMULKA IYO QAAB-DHISMEEDEKA SANDUUQA**

**Qodobka 9aad:
Guddiga Sare ee Maamulka Sanduuqa**

1. Waxaa la dhisayaa Guddiga Sare ee Maamulka Sanduuqa Qaran ee Maareynta Khataraha Musiibooyinka.
2. Guddigu waxaa uu ka koobnaanayaa xubnahan hoos ku xusan:

(a) Wasiirka Arrimaha Gudaha, Federaalka & Dibuheshiisiinta	Guddoomiye;
(b) Wasiirka Maaliyadda	Gud. Kuxigeen;
(c) Wasiirka Qorsheynta	xubin;
(d) Wasiirka Xannanada Xoolaha, Dirta, & Daaqa	xubin;
(e) Wasiirka Deegaanka & Isbadalka Cimilada	xubin;
(f) Wasiirka Caafimaadka	xubin;
(g) Wasiirka Ganacsiga & Warshadaha	xubin;
(h) Wasiiru Dowlaha Xafiiska Ra'iisul Wasaaraha	xubin;
(i) Guddoomiyaha Hay'adda	xubin;
(j) Rugta Ganacsiga Soomaaliyeed	labo xubnood;
(k) Culimada Soomaaliyed	labo xubnood;
(l) Agaasimaha Sanduuqa (xubin aan cod lahayn)	Xoghaye.
3. Guntanka kulamada Guddiga waxaa weeye cod dheeri tirada guud ee xubnaha Guddiga, xubin kastana waxay leedahay hal cod marka ay codeynayso.

4. Xubnaha Guddiga waxaa magacaabaya Ra'iisul Wasaaraha Xukuumadda Federaalka Soomaaliya kadib marka uu wasiirku soo jeediyo xubnaha aan ahayn Wasiirada.
5. Xubnaha Guddigu waxay xilka ku waynayaan marka ay dhacaan xaaladahan mid ka mid ah:
 - (a) Waayid xilka uu ku helay ka mid noqoshada guddiga sare
 - (b) Geeri
 - (c) Is-casilaad
 - (d) Xil gudasho la'aan

**Qodobka 10aad:
Waajibaadka Guddiga Sare**

Guddigu waa maamulka ugu sarreeya, waxa uuna bixiyaa ama tilmaamaa jihada istiraatiijiyada iyo la socoshada howlaha sanduuqa, waxaana waajibaadkiisa ka mid ah:

1. Hagidda iyo ansixinta istiraatiijiyadda guud ee sanduuqa ee mudnaanta leh iyadoo la hubinayo in ay waafaqsan yihiin siyaasadda Sanduuqa ee ku xusan (Sharci Lr. 17/2016), Sharciga Maaraynta Maaliyadda Guud, 2019, iyo xeerarka kale ee dalka.
2. La socoshada iyo hubinta maareynta sanduuqa, si loo xaqiijiyo daahfurnaanta, hufnaanta iyo isla xisaabtanka maaliyadeed si waafqsan Sharciga Maaraynta Maaliyadda Guud, 2019.
3. Hoggaaminta dadaalada dhaqaale ururinta, xoojinta iskaashiga ganacsayada, qaybaha kala duwan ee bulshada iyo deeq-bixiyeyaasha si waafqsan Sharciga Maaraynta Maaliyadda Guud, 2019.
4. Kor joogteynta waxqabadka sanduuqa iyo saameynta uu ku leeyahay ujeedooyinka loo abuuray.
5. Ansixinta warbixinno maaliyadeed iyo kuwo hawleed si waafqsan Sharciga Maaraynta Maaliyadda Guud, 2019.
6. Qabashada kumada Guddiga sanadkiiba labo jeer iyo mar kasta oo kale oo loo baahdo, waxaana lagu nidaaminayaa habka iyo guntan kulamada xeer-hoosaadka.
7. Soo saarista xeer-hoosaadyo iyo habraacyo.

**Qodobka 11aad:
Xoghaynta iyo Maamulka Hawlaha Maalinlaha ah**

1. Waaxda Maareeynta sanduuqa Qaran ee Maareeynta Khataraha Masiibooyinka oo ka tirsan Hay'adda ayuu xeerkan u xil saarayaa xoghaynta iyo maamulka howlaha maalinlaha ah ee Sanduuqa,.

2. Agaasimaha waaxdaasi wuxuu noqon doonaa Xoghayaha Guddiga, wuxuuna mas'uul ka noqon doonaa:
 - (a) Fulinta go'aamada Guddiga Maamulka;
 - (b) Qaadista qoraalada (minutes) kulamada gudiga iyo hirgalinta go'aanada gudigga;
 - (c) Mas'uul ka noqoshada maareynta hawlaha maalinlaha ah ee Sanduuqa;
 - (d) Diyaarinta iyo fulinta istaraatiijiyadaha iyo habraacyada dhaqaale aruurinta sanduuqa;
 - (e) Abaabulidda iyo iskuduwidda dadaalo lagu raadinayo dhaqaale loogu talagalay Sanduuqa; iyo
 - (f) Fulinta waajibaad kasta oo dheeraad ah oo uu ay u xil saaraan Gudiga sare Maamulka sanduuqa.

**QAYBTA AFARAAD:
MAALIYADDA IYO ISLA-XISAABTANKA**

**Qodobka 12aad:
Ilaha Dhaqaalaha iyo Maalgalinta Sanduuqa**

Si waafaqsan Qodobka 8aad faqradahiisa 5 iyo 6aad ee Sharciga Dhismaha Hay'adda Maareynta Musiibooyinka, ilaha dhaqaale ee Sanduuqa waxaa ka mid ah:

1. Qoondo maaliyadeed oo ka imanaysa qoondada ku-tala-galka lama filaanka ee Miisaaniyadda Dowladda Federaalka Soomaaliya, si waafaqsan Xeerarka Maaliyadda.
2. Ganacsiyada gaarka loo leeyahay
3. Waxaa jiraya madallo iyo habab kala duwan oo ay uga qaybqaataan qurbajoogta iyo bulshada daljoogta ahba maalgalinta Sanduuqa, hababkaas waxaa ka mid ah:
 - (a) Sakada;
 - (b) Waqafka;
 - (c) Tabarrucaad kasta.
4. Maalgalita sanduuqa waa mid loogu talagalay mareeynta khataraha masiibooyinka; Ka hortga, ka jawabista xaaladaha degdeg ah iyo maalgalinta ka soo kabasho xilli hore saameeynta dhibaato ee afooyinka si waafaqsan Sharciga Dhismaha Hay'adda Maareynta Masiibooyinka Soomaaliyeed, 2016, lana raacayo hab maalgalineed waafaqsan Sharciga Maaraynta Maaliyadda Guud, 2019 ee dalka si loo dhowro hufnaan maaliyeed.

**Qodobka 13aad:
Hannaanka Maaraynta Maaliyadda Sanduuqa**

Si loo xaqiijiyo hufnaanta, Sanduuqa Qaran ee Maareynta Khataraha Musiibooyinka waxaa uu u hoggaansamayaa Xeerarka Maaliyadda, waxaana ka mid ah tallaabooyinka lagu xaqiijinayo:

1. Dhaqaalaha Sanduuqa waxaa lagu shubi doonaa laguna maamuli doonaa Khasnadda Mideysan, laguna ilaalinayaa lacagtaas, sidoo kalena wa, iyada oo la raacayo maareyn hufan oo wax-ku-ool ah iyo habraacyada bangi ee loo dejiyey Xisaabta Khasnadda Mideysan ee Qaranka, wuxuuna yeelanaya sanduuqa xisaab-hoosaad ka tirsan Xisaabta Khasnadda Mideysan si waafaqsan Sharciga Maaraynta Maaliyadda Guud, 2019 ee dalka.
2. Hannaanka ururinta dakhliga, bixinta kharaska, iyo xisaabaadka Sanduuqa waxaa loo raacaya habka xeerarka maaliyadda Dalku tilmaamayaan gaar ahaan Sharciga Maamulka Maaliyadda Guud.
3. Xisaab xirka iyo warbixin sannadeedka waxaa diyaarinaya agaasimaha sanduuqa, waxaana loo gudbinayaa Guddiga oo ansaxinaya si loogu gudbiyo haya'daha kala duwan ee ay khuseyso si waafaqsan Sharciga Maaraynta Maaliyadda Guud, 2019 ee dalka.
4. Guddigu Sanduuqa waxaa uu ilaalinayaa dhammaan buugaagta, diiwaannada xisaabta dakhliga, kharashaadka iyo hantida Sanduuqa si waafaqsan xeerarka maaliyadda Dowladda.
5. Warbixinada Maaliyadeed waxaa hubinaya Hantidhowraha Guud ee Qaranka.

Qodobka 14aad:

Bixinta Gargaarka Degdegga ah

1. Codsiyada gurmada waxaa diyaarinaysa Hay'adda Maareynta Masiibooyinka oo kaashanaysa Dowlad Goboleedyada.
2. Guddiga Sare ayaa oggolaanaya qiimeynta lagu sameeyay baahiyaha.
3. Bixinta gargaarka waxaa lagu saleynayaa baahida degdegga ah iyo awoodda dhaqaale ee sanduuqa.

Qodobka 15aad:

Dabagalka iyo Kormeerka

1. Hay'adda waxay fulin doontaa dabagal iyo kormeer joogto ah oo ku saabsan howlaha Sanduuqa laga taageero.
2. Warbixinada kormeerka waxaa loo gudbin doonaa Guddiga.

**QAYBTA SHANAAD:
QODOBBADA GUNAANAD**

**Qodobka 16aad:
Xeer-hoosaadyada**

Guddiga wuxuu soo saari karaa xeer-hoosaadyo iyo habraacyo lagu dhammaystirayo Xeer-nidaamiyahan.

**Qodobka 17aad:
Dhaqangalka Xeerka**

Xeernidaamiyahan waxaa uu dhaqangalayaa marka Golaha Wasiirradu ansixiyaan, uuna saxiixo Ra'iisul Wasaaraha Xukuumadda JFS, waxaana lagu soo saarayaa Faafinta Rasmiga ah ee Dawladda.